


## COMUNICÂT STAMPE

### ZORNADIS EUROPEANIS DE ARCHEOLOGJIE 14, 15 e 16 di Jugn dal 2024



#### Events de Sorintendence ABAP FVG in Friûl-Vignesie Julie

Di vinars ai 14 di Jugn e fin domenie ai 16 al torne l'apontament cu lis Zornadis Europeanis de Archeologjie. La manifestazion e je inmaneade dal *Inrap* - Istitût nazionâl di ricercje archeologjiche preventive de France (*Institut national de recherches archéologiques préventives*) e promovude in Italie dal Ministeri de Culture – Direzion Gjenerâl Museus par fâ cognossi a ducj la impuartance de ricercje e de tutele archeologjiche, par contâ lis storiis dai lûcs e par podê preseâ il nestri patrimoni archeologjic.

Tal sît Internet dal MiC, inte sezion su lis GEA, e tal sît uficiâl des Zornadis Europeanis de Archeologjie si puedin cjatâ dutis lis informazions su lis iniziativis, lis visitis e su la partecipazion a chescj events.

La Sorintendence Archeologjie, bielis arts e paisaç dal Friûl-Vignesie Julie e aderìs ae manifestazion ancje chest an: tes zornadis di **sabide ai 15 e domenie ai 16 di Jugn** dal 2024 e organize, o pûr a partecipe a **diviers events** sul teritori regionâl, ancje in colaborazion cun ents statâi, locâi e di ricercje, daûr des finalitâts des GEA.

Si zonte il program dai events.

# PROGRAM

## - TRIEST E PROVINCIE -



Grote dal Mitreu (Duin Nabresine - TS)

**Viertidure de aree archeologjiche**

**Sabide ai 15 di Jugn – aes 10.00-12.00**

La Grote dal diu Mitre, divinitât di origin iraniche leade al cicli dal soreli e des stagjons, e jere frecuentade fin de etât neolitiche, e je stade adadade in ete romane (dal secul II al V d.d.C.) a lûc di cult dal diu Mitre, religion salvifiche rivade te Rome imperiâl midiant des

legjons che a stavin in Orient. Inte **ambientazion suggestive de Grote** al sarà pussibil osservâ i calcs dai rilêfs di calcâr cjatâts dentri dal sît, adun cun cualchi iscrizion cun nons di oferents.

Si consee di meti sù scarpis sportivis adatis e di puartâsi daûr une bocete di aghe.

**Par informazions e prenotazions: [flondar@libero.it](mailto:flondar@libero.it); tel. +39 3396908950**



**Antiquarium di Via del Seminario** (Triest, vie del Seminario, 2)

**Viertidure de aree archeologjiche**

**Sabide ai 15 di Jugn – aes 10.00-12.00**

Tal *Antiquarium* ai puedin viodi lis muris che a rimontin ae ete republicane tarde fatis fâ di Otavian tal 33-32 p.d.C. par difindi la colonie di Tergeste logade sul cuel di Sant Just. Tal principi dal secul II d.d.C. lis muris no coventavin plui pe difese, ma a jerin buinis par contignî e par fâ di teraçament ai edificis costruîts plui insom: culi si viôt une vascje cul fonts di crep, doprade salacor par fâ vueli.

**Jentrade libare (fin che si rive ae capience massime dal spazi)**



**Basiliche Paleocristiane** (Triest, vie della Madonna del Mare, 11)

**Viertidure de aree archeologjiche**

**Domenie ai 16 di Jugn – aes 10.00-12.00**

Te aree archeologjiche si cjatin i rescj dal edifici a crôs latine cu la abside poligonâl par difûr, costruît a cjaival dai secui IV e V d.d.C. Al è biel di viodi il paviment fat di dôs parts diferentis: la prime e à decorazions gjeometricjis blancjis e neris; la seconde (dal secul IV d.d.C. e che e je plui alte di dome 6 centimetris) e à ancje decorazions policromis. Tai mosaics plui resints si pudin viodi lis iscrizions cui nons e lis professions dai benefatôrs de glesie.

**Jentrade libare (fin che si rive ae capience massime dal spazi)**

## - UDIN E PROVINCIE -



Aquilee, ***Cjase Bertoli*** (Vie Patriarca Popone, 6)

**Viertidure straordinarie e visite voidade**

**Sabide ai 15 di Jugn – aes 16.30-19.00**

Dilunc dal viâl che al puarte a place Capitolo e ae basiliche, e je Cjase Bertoli, dal non dal cjaluni Gian Domenico Bertoli che tal Sietcent al jere a stâ li e che al à publicât une des primis ricercjîs anticuariis su la citât antighe.

L'edifici al rimonte almancul al secul XIII, ma tal timp al è stât modificât e abelît plui voltis. Tal Tresinte, une sale dal prin plan e je stade decorade cun afrescs che tra chescj si viôt la steme dai conts di Gurize che a fasevin di avocats ae glesie di Aquilee.

Salacor di chês volte, o almancul dal secul XV, l'edifici al à ospitât plui di cualchi cjaluni de citât. Un dai deans dal Cjapitul, Doimo Valvason, al à ristrutturât la façade intal 1478; altris lavôrs ju àn fâts tal Sîscent e Sietcent.

*Par cure de Associazion Nazionâl par Aquilee APS. (per info [assaquileia@libero.it](mailto:assaquileia@libero.it)) de Sorintendence Archeologjie, bielîs arts e paisaç dal Friûl-Vignesie Julie.*

**Ingrès libar e gratuit, fin che si rive ae capience massime dal spazi**

**Par informazions: [assaquileia@libero.it](mailto:assaquileia@libero.it)**



***Aquilee, aree archeologjiche***

**ARCHEO OPEN DAY**

**Visitis cul archeolic tai cantîrs di sgjâf**

**Sabide ai 15 di Jugn – aes 10.30-13.00/ aes 16.30-19.00**

I archeolics e i restauradôrs de Fondazion Aquilee e des Universitâts us spietin par contâus lis ultimis scuiertis e i risultâts des investigazions plui resintis, lis storiis e lis usancis de antighe Aquilee.

*Par cure de Fondazion Aquilee, des Universitâts di Padue, Verone, Triest, Ca' Foscari di Vignesie, de Universitât dal Friûl e de Sorintendence Archeologjie, bielîs arts e paisaç dal Friûl-Vignesie Julie.*

**Jentrade libare cence prenotazion.**

**Areis visitabilis:** *Forum - Decumanus e cente a zigzag - Termis grandis - Teatri - Puart fluviâl antic - Rive orientâl dal puart fluviâl - Cjase dai Pups Danzants – Marcjâts antics (Font Pasqualis) - Cjase di Tito Macro - Cjase romane (Font Cal) - Necropoli.*

**Par vê informazions su lis altris iniziativis a Aquilee: [protocollo@fondazioneaquileia.it](mailto:protocollo@fondazioneaquileia.it)**

## - PORDENON E PROVINCIE -



***Vile romane*** (Pordenon, localitât Tor - Vie Vittorio Veneto, tal Parc comunâl dal Nunciel)

### **Viertidure straordenarie**

**Sabide ai 15 di Jugn – aes 10.30-12.30/ aes 14.00-16.00**

La vile e je stade scuvierte dal cont Josef di Ruvigne che tra il 1950 e il 1952 al à sgjavât une part des structuris di un complès residenziâl produtîf avonde grant, che al jere dongje dal flum Nunciel, decorât cun ricjece di pituris a fresc refinadis e cun marmui di cualitât.

La part visitabile dal complès e je caraterizade de aree termâl e di diviers ambients che a permetin di capî la funzion e la ricjece che e veve dute cheste strutture. La Vile e rapresente un esempli particolâr di insediament produtîf e residenziâl intal Friûl occidentâl roman.

**Ingrès libar**

\* \* \*

**Il calendari di ducj i events des Zornadis Europeanis de Archoelogjie al è tal sît**

**<https://journées-archeologie.eu>**

Triest, ai 10 di Jugn dal 2024

Ufici Comunicazion e Promozion de Sorintendence Archeologjie, bielis arts e paisaç dal Friûl-Vignesie Julie  
[sabap-fvg.comunicazionepromozione@cultura.gov.it](mailto:sabap-fvg.comunicazionepromozione@cultura.gov.it)

+39 040 4527527

<https://sabapfvg.cultura.gov.it/>

<http://www.facebook.com/SABAP.FVG>